

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 23., 55. i 104. Statuta općine Ilijaš-prečišćeni tekst (Službene novine Kantona Sarajevo», broj: 20/09 i 46/18), člana 54. stav 2. Zakona o osnovnom odgoju i obrazovanju ("Službene novine Kantona Sarajevo", broj: 23/17 i 33/17) i člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19), Općinsko vijeće Ilijaš na 31. redovnoj sjednici održanoj, dana 29. maja 2019. godine, donijelo je:

O D L U K U
O DEFINISANJU PRIJEDLOGA ŠKOLSKIH PODRUČJA ZA JAVNE USTANOVE,
OSNOVNE ŠKOLE NA PODRUČJU OPĆINE ILIJAŠ

Član 1.

Ovom Odlukom definiše se prijedlog školskih područja za svaku javnu ustanovu, osnovnu školu na području općine Ilijaš, na osnovu kojeg će Ministarstvo za obrazovanje, nauku i mlade Kantona Sarajevo utvrditi školsko područje za svaku ustanovu, školu.

Član 2.

I – Područje Osnovne škole "Hašim Spahić" u Ilijašu obuhvata sljedeća mjesta: Ilijaš Grad, Kadarići, Karašnica, Popovići i Mrakovo (dio).

Osnovna škola "Hašim Spahić" prima školske obveznike za više razrede i niže razrede iz mjesta: Ilijaš Grad, Kadarići, Karašnica, Popovići i Mrakovo (dio) i to ulice: Mrakovo, Salkanov Han, Gornje Mrakovo, Put za Čuture i Novo Naselje.

II – Područje Osnovne škole "Stari Ilijaš" u Ilijašu obuhvata sljedeća mjesta: Donja Bioča, Donja Misoča, Donja Luka, Donji Malešići, Gornja Bioča, Gornja Misoča, Gornja Luka, Gornji Malešići, Kamenice, Mlini, Ribarići, Stari Ilijaš, Hadžići, Karaula i Vlaškovo.

Osnovna - Centralna škola u Starom Ilijašu ima područne škole u: Misoči, Malešićima i Bioči.

Osnovna – Centralna škola u "Starom Ilijašu" prima školske obveznike za više razrede iz mjesta: Donja Bioča, Donja Misoča, Donja Luka, Donji Malešići, Gornja Bioča, Gornja Misoča, Gornja Luka, Gornji Malešići, Stari Ilijaš, Kamenice, Mlini, Ribarići, Hadžići, Karaula i Vlaškovo i školske obveznike za niže razrede iz mjesta Donja Luka, Gornja Luka, Stari Ilijaš, Ribarići, Kamenice i Mlini.

Područje područne škole u Misoči obuhvata školske obveznike za niže razrede iz mjesta: Donja Misoča, Gornja Misoča, Hadžići, Karaula i Vlaškovo.

Područje područne škole u Malešićima obuhvata školske obveznike za niže razrede iz mjesta: Donji Malešići i Gornji Malešići.

Područje područne škole u Bioči obuhvata školske obveznike za niže razrede iz mjesta: Donja Bioča sa zaseocima i Gornja Bioča.

III - Područje Osnovne škole "Podlugovi" u Podlugovima obuhvata sljedeća mjesta: Podlugovi, Sovrle, Mrakovo (dio), Lješevo, Odžak, Ljubnići, Čifluk, Balibegovići i Banjer sa zaseocima.

Osnovna - Centralna škola ima područne škole u: Lješevu i Ljubničima

Osnovna – Centralna škola u Podlugovima prima školske obveznike za više razrede iz mjesta: Podlugovi, Sovrle, Mrakovo (dio) i to ulice Vratuša I, Vratuša II i 8.mart, Lješevo, Odžak, Ljubnići, Čifluk, Balibegovići i Banjer sa zaseocima i školske obveznike za niže razrede iz mjesta: Podlugovi, Sovrle, Mrakovo (dio) i to ulice Vratuša I, Vratuša II i 8.mart.

Područje područne škole u Lješevu obuhvata školske obveznike za niže razrede iz mjesta: Lješevo i Odžak.

Područje područne škole u Ljubničima obuhvata školske obveznike za niže razrede iz mjesta: Ljubnići, Čifluk, Balibegovići i Banjer.

IV – Područje Osnovne škole "Srednje" u Srednjem obuhvata sljedeća mjesta: Srednje, Šatorice, Moševići, Stupe, Vidotina, Bokšići, Ljubina, Kožlje, Velike Njive, Ulištovići, Donji Ivančići, Gojanovići, Velike Šume, Gornji Čevljanovići, Gajevi, Donji Čevljanovići, Stomorine, Lađevići, Duboki Potok, Medojevići, Stanovi, Kovačine, Budraže, Curak, Kamenica, Odžak, Gradina, Elezovići, Drinčići, Hasići, Bibići, Dautovići, Nanići, Borje, Šehići, Šehovići, Paljike, Nišići, Borak, Jelik, Zlotege, Krčevine, Buljetovina, Hadžići, Sabanci, Duševine, Krivajevići, Gornji Ivančići, Vukasovići, Homar, Ravne, Laze, Gudelj, Draževići, Šići, Ozren, Vrana, Šljeme, Lipnik, Vilići, Visojevica, Klek, Vuknjača, Lipnik, Razdolje, Košare, Luke, Stubline, Podlipnik, Rakova Noga, Vrutci, Donje Selo, Sudići, Četojevići, Vladojevići, Gajine, Dragoradi, Taračin Do, Nasići, Višnjica, Solakovići, Tisovik, Kopošići, Čemerno, Čemernica, Korita i Han Karaula.

Osnovna - Centralna škola ima područne škole u: Gajevima, Dragoradima i Kamenici.

Osnovna – Centralna škola u Srednjem prima školske obveznike za više razrede iz mjesta: Srednje, Šatorice, Moševići, Stupe, Vidotina, Bokšići, Ljubina, Kožlje, Velike Njive, Ulištovići, Donji Ivančići, Gojanovići, Velike Šume, Gornji Čevljanovići, Gajevi, Donji Čevljanovići, Stomorine, Lađevići, Duboki Potok, Medojevići, Stanovi, Kovačine, Budraže, Curak, Kamenica, Odžak, Gradina, Elezovići, Drinčići, Hasići, Bibići, Dautovići, Nanići, Borje, Šehići, Šehovići, Paljike, Nišići, Borak, Jelik, Zlotege, Krčevine, Buljetovina, Hadžići, Sabanci, Duševine, Krivajevići, Gornji Ivančići, Vukasovići, Homar, Ravne, Laze, Gudelj, Draževići, Šići, Ozren, Vrana, Šljeme, Lipnik, Vilići, Visojevica, Klek, Vuknjača, Lipnik, Razdolje, Košare, Luke, Stubline, Podlipnik, Rakova Noga, Vrutci, Donje Selo, Sudići, Četojevići, Vladojevići, Gajine, Dragoradi, Udrabi, Taračin Do, Nasići, Višnjica, Solakovići, Tisovik, Kopošići, Čemerno, Čemernica, Korita i Han Karaula i školske obveznike za niže razrede iz mjesta: Srednje, Homar, Ravne, Šatorice, Moševići, Stupe, Vidotina, Bokšići, Ljubina, Kožlje, Velike Njive, Ulištovići, Donji Ivančići, Gojanovići, Velike Šume, Donji Čevljanovići, Stomorine, Lađevići, Duboki Potok, Medojevići, Stanovi, Šići, Ozren, Vrana, Šljeme, Lipnik, Vilići, Visojevica, Klek, Vuknjača, Lipnik, Razdolje, Košare, Luke, Stubline, Taračin Do, Nasići, Višnjica, Solakovići, Tisovik, Kopošići, Čemerno, Čemernica, Korita, Han Karaula, Nišići, Borak, Jelik, Sabanci, Krivajevići i Gornji Ivančići.

Područje područne škole u Gajevima obuhvata školske obveznike za niže razrede iz mjesta: Gornji Čevljanovići, Gajevi, Vukasovići, Laze, Gudelj, Draževići, Vrutci, Donje Selo,

Sudići, Podlipnik i Rakova Noga.

Područje područne škole u Dragoradima obuhvata školske obveznike za niže razrede iz mjesta: Četojevići, Vladojevići, Gajine, Dragoradi i Udrabi.

Područje područne škole u Kamenici obuhvata školske obveznike za niže razrede iz mjesta: Kamenica, Odžak, Zlotege, Krčevine, Buljetovina, Hadžići, Šehići, Bibići, Duševine, Kovačine, Budraže, Curak, Gradina, Elezovići, Drinčići, Hasići, Dautovići, Nanići, Borje, Šehovići i Paljike.

Član 3.

Javna ustanova osnovna škola je dužna da upiše djecu kao školske obveznike u školu na čije školsko područje školski obveznik pripada na osnovu prebivališta, odnosno CIPS-ove prijave.

Član 4.

Na osnovu odobrenja ministra/ministrice, u školu kao javnu ustanovu može se upisati i učenik koji ima prebivalište na području druge općine na teritoriji Kantona Sarajevo, odnosno na teritoriji Bosne i Hercegovine, ukoliko škola ispunjava uvjete propisane Standardima i normativima.

Član 5.

Škola čiji osnivač nije Kanton, upisuje školske obveznike na osnovu Ugovora s roditeljima učenika nezavisno o školskom području, o čemu je obavezna obavijestiti školu s čijeg su školskog područja upisani učenici.

Član 6.

Odluka o definisanju prijedloga školskih područja za svaku javnu ustanovu, osnovnu školu na području općine Ilijaš uputit će se Ministarstvu za obrazovanje, nauke i mlade Kantona Sarajevo u cilju utvrđivanja školskih područja za svaku javnu ustanovu, osnovnu školu na području općine Ilijaš.

Član 7.

Danom stupanja na snagu Odluke Ministarstva za obrazovanje, nauku i mlade Kantona Sarajevo, o utvrđivanju školskog područja za svaku javnu ustanovu, osnovnu školu na području općine Ilijaš, prestaje da važi Odluka o utvrđivanju školskih područja osnovnih škola općine Ilijaš ("Službene novine Kantona Sarajevo", broj: 19/13).

Broj: 01/1-02-____-____/19
Ilijaš, 29.05.2019. godine

Predsjedavajuća
Općinskog vijeća Ilijaš

Alma Omerović, BA nov.

O b r a z l o ž e n j e:

I- Pravni osnov:

Pravni osnov za donošenje ove Odluke sadržan je u članu 13. Zakona o principima lokalne samouprave Federacije Bosne i Hercegovine ("Službene novine Federacije BiH", broj 49/06 i 51/09) kojim su po principu enumeracije nabrojane nadležnosti Općinskog vijeća, zatim odredbama člana 23., 55. i 104. Statuta općine Ilijaš, prečišćeni tekst («Službene novine Kantona Sarajevo», broj: 20/09 i 46/18). Članom 23. Statuta općine Ilijaš definisano je da općina Ilijaš u okviru samoupravnog djelokruga, a u skladu sa zakonom kojim se uređuju pojedine oblasti obavlja naročito poslove osiguranja uslova za poštivanje i zaštitu ljudskih prava i osnovnih sloboda u skladu sa ustavom i osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu. Članom 55. i 104. Statuta općine Ilijaš propisane su nadležnosti Općinskog vijeća za donošenje akata i drugih propisa, njihovo autentično tumačenje i utvrđivanje prečišćenog teksta. Član 54. stav 2. Zakona o osnovnom odgoju i obrazovanju ("Službene novine Kantona Sarajevo", broj: 23/17 i 33/17) definiše da:

"(1) Školsko područje je prostorno područje s kojeg se učenici upisuju u određenu školu na osnovu prebivališta, odnosno CIPS-ove prijave.

(2) Ministarstvo na prijedlog općinskog vijeća na čijoj teritoriji se nalazi škola utvrđuje školsko područje za svaku javnu ustanovu, školu uz saglasnost Ministarstva i poštivanje principa iz člana 22. ovog zakona, u vezi sa kojim je obaveza škole upisati djecu kao školske obveznike, izuzev za paralelne škole i centre, koji upisuju djecu sa više općina.

(3) Pri utvrđivanju školskog područja poštovat će se osnovni princip, a to je da se učenicima omogući pohađanje škole koja je najbliža njihovom mjestu stanovanja.

(4) Škola može na svom školskom području organizirati nastavu i u područnim školama, a u skladu sa standardima i normativima.

(5) Škola kojoj osnivač nije Kanton, upisuje školske obveznike na osnovu ugovora s roditeljima učenika nezavisno o školskom području, o čemu je obavezna obavijestiti školu sa čijeg su školskog područja upisani učenici.

(6) Na osnovu odobrenja ministra, u školu kao javnu ustanovu može se upisati i učenik koji ima prebivalište na području druge općine na teritoriji Kantona Sarajevo, odnosno na teritoriji Bosne i Hercegovine, ukoliko škola ispunjava uvjete propisane Standardima i normativima."

Članom 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19) definisani su propisi koje donosi Općinsko vijeće.

Zaključkom Općinskog vijeća broj:01/1-02-800-9/19 sa 30. redovne sjednice od 18.04.2019. godine utvrđen je Nacrt Odluke o definisanju prijedloga školskih područja za svaku javnu ustanovu, osnovnu školu na području općine Ilijaš koji je upućen u javnu raspravu u trajanju od 30 dana. Javna rasprava je trajala od 20.04.2019. godine do 20.05.2019.godine. U javnoj raspravi pozvani su da učestvuju: Nastavnička vijeća i Vijeća roditelja osnovnih škola, Savjeti mjesnih zajednica i političke stranke.

Zaključno sa 20.05.2019. godine u Službu za društvene djelatnosti i poslove mjesnih zajednica upućena su četiri prijedloga koja su obrađena i nalaze se u prilogu dokumenta.

II- Razlozi za donošenje Odluke:

Programom rada Općinskog vijeća Ilijaš za 2019. godinu nije planirano donošenje ove Odluke, ali se donošenje iste pokazalo neophodnim jer u skladu sa Zakonom o osnovnom odgoju i obrazovanju ("Službene novine Kantona Sarajevo", broj: 23/17 i 33/17), za razliku od ranijeg zakonskog rješenja kada su uz saglasnost Ministra Općinska vijeća donosila Odluku o školskim područjima, sada Ministarstvo za obrazovanje, nauku i mlade na prijedlog općinskog vijeća na čijoj teritoriji se nalazi škola utvrđuje školsko područje za

svaku javnu ustanovu, školu uz saglasnost Ministarstva i poštivanje principa iz člana 22. ovog zakona, u vezi sa kojim je obaveza škole upisati djecu kao školske obveznike, izuzev za paralelne škole i centre, koji upisuju djecu sa više općina.

III- Obrazloženje pravnih rješenja sadržanih u Odluci:

Članom 1. definiše se predmet i sadržaj Odluke.

Članom 2. definisana su školska područja JU OŠ "Hašim Spahić", JU OŠ "Stari Ilijaš", JU OŠ "Podlugovi" i JU OŠ "Srednje".

Članom 3. definisana je obaveza osnovne škole da upiše djecu kao školske obveznike u školu na čije školsko područje školski obveznik pripada na osnovu prebivališta.

Članom 4. definišu se način upisa učenika i sa područja drugih općina Kantona i Bosne i Hercegovine

Članom 5. definiše se način upisa učenika u privatne obrazovne ustanove.

Članom 6. definisano je upućivanje Odluke o definisanju prijedloga školskih područja za svaku javnu ustanovu, osnovnu školu na području općine Ilijaš Ministarstvu za obrazovanje, nauke i mlade Kantona Sarajevo radi utvrđivanja školskih područja za svaku javnu ustanovu, osnovnu školu na području općine Ilijaš.

Članom 7. van snage se stavlja Odluka o utvrđivanju školskih područja osnovnih škola općine Ilijaš ("Službene novine Kantona Sarajevo", broj: 19/13).

IV- Finansijska sredstva za provođenje:

Za provođenje ove Odluke nisu potrebna finansijska sredstva.

Predlagač Odluke je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10 i 18/15/.

Obrađivač Odluke je Služba za društvene djelatnosti i poslove mjesnih zajednica Općine Ilijaš.


Predlažemo Općinskom vijeću Ilijaš da Prijedlog Odluke o definisanju prijedloga školskih područja za svaku javnu ustanovu, osnovnu školu na području općine Ilijaš donese u dostavljenom tekstu.

Služba za društvene djelatnosti i poslove mjesnih zajednica

U Ilijašu: 20. 05. 2019. godine

IZVJEŠTAJ O REZULTATIMA JAVNE RASPRAVE PO NACRTU ODLUKE O DEFINISANJU PRIJEDLOGA ŠKOLSKIH PODRUČJA ZA JAVNE USTANOVE, OSNOVNE ŠKOLE NA PODRUČJU OPĆINE ILIJAŠ

Red. broj	Primjedba-prijedlog dostavljen od:	Primjedba-prijedlog	Stav predlagača
1.	JU OŠ "STARI ILIJAŠ"	<p>U Članu 2. Tačka II stav 2.</p> <p>Nije upisano naselje Kamenice koje prostorno pripada školskom području OŠ "Stari Ilijaš" – Centralna škola.</p>	Predlagač prihvatio navedeni prijedlog i isti uvrstio u Članu 2., tačka II, stav 2.
2.	Nastavničko vijeće JU OŠ "SREDNJE"	<p>U članu 2. pod tačkom IV Osnovna – Centralna škola u Srednjem u dijelu teksta koji se odnosi na područja sa kojih se primaju školski obveznici za niže razrede treba brisati mjesta: Kovačine, Budraže, Curak, Gradina, Elezovići, Drinčići, Hasići, Dautovići, Nanići, Borje, Šehovići i Paljika, jer su to mjesta koja pripadaju mjesnoj zajednici Kamenica i treba da se upišu u područje područne škole u Kamenici.</p> <p>Također, školski obveznici nižih razreda iz mjesta Podlipnik i Rakova Noga, umjesto u područje centralne škole u Srednjem, treba da se upišu u područje područne škole u Gajevima, jer pripadaju mjesnoj zajednici Gajevi.</p> <p>U dijelu koji se odnosi na područje područne škole u Gajevima, mjesto Homar i Ravne treba brisati, a dodati ih u područje centralne škole u Srednjem, jer ta mjesta pripadaju mjesnoj zajednici Srednje. Školski obveznici iz ovih mjesta zbog organizacije prevoza od početka rada škole u poslijeratnom periodu pohađaju školu u Srednjem.</p> <p>U području područne škole u Dragoradima, pored navedenih mjesta treba dodati i mjesto Udrabi.</p>	<p>Predlagač prihvatio navedeni prijedlog i isti uvrstio u Članu 2., tačka IV.</p> <p>Predlagač prihvatio navedeni prijedlog i isti uvrstio u Članu 2., tačka IV.</p> <p>Predlagač prihvatio navedeni prijedlog i isti uvrstio u Članu 2., tačka IV.</p>
3.	JU OŠ "PODLUGOVI"	Nema primjedbi na utvrđeni Nacrt Odluke	
4.	JU OŠ "HAŠIM SPAHIĆ"	Nema primjedbi i sugestija na utvrđeni Nacrt Odluke	



"STARI ILIJAŠ" ILIJAŠ, BOSANSKI PUT BR. 151 71380 ILIJAŠ
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ

JAVNA USTANOVA
Osnovna škola "Stari Ilijaš" Ilijaš
Ul. Bosanski put br. 151, 71380 Ilijaš
Tel/fax. (033) 402-300 402-400
E-mail stariilijas@bih.net.ba
Naš broj: 01-V-544/19
Ilijaš, 15.05.2019. godine

OPĆINA ILIJAŠ
Služba za društvene djelatnosti
Općinsko vijeće
126. Ilijaške brigade br. 6
71380 Ilijaš

JAVNA USTANOVA OSNOVNA ŠKOLA "STARI ILIJAŠ" UL. BOSANSKI PUT BR. 151, 71380 ILIJAŠ

PREDMET: Primjedbe na Nacrt Odluke o prijedlogu školskih područja
Broj: 01/1-02-800-9/19 od 18.4.2019. godine

Poštovani/a,

U prilogu Vam šaljem primjedbe na Nacrt Odluke o školskim područjima za javne ustanove, osnovne škole na području općine Ilijaš.

U Članu 2. Tačka II stav 2.

Nije upisano naselje Kamenice koje prostorno pripada školskom području OŠ "Stari Ilijaš" – Centralna škola.

Dostavljeno
- Naslovu
- Arhiva



Direktorica škole

Alma Salketović
Salketović Alma, prof.

JAVNA USTANOVA OSNOVNA ŠKOLA "SREDNJE" ILIJAŠ, SREDNJE 71385 SREDNJE - ILIJAŠ

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ

JAVNA USTANOVA
Osnovna škola "Srednje" Ilijaš
Tel. (033) 489-047
Fax (033) 408-840
E-mail: oskolosrednje@bih.net.ba
Naš broj: 01-V-766/19
Srednje, 16. 05. 2019. godine

OPĆINA ILIJAŠ
Služba za društvene djelatnosti i
poslove mjesnih zajednica
126. ilijaške brigade br.6
71380 Ilijaš

JAVNA USTANOVA OSNOVNA ŠKOLA "SREDNJE" ILIJAŠ, SREDNJE 71385 SREDNJE - ILIJAŠ

**PREDMET: Primjedbe na Nacrt Odluke o definisanju školskih područja za
javne ustanove, osnovne škole na području općine Ilijaš**

Poštovani/a,

Nakon provedene javne rasprave na Nastavničkom vijeću, dostavljamo Vam primjedbe na Nacrt Odluke o definisanju školskih područja za javne ustanove, osnovne škole na području općine Ilijaš.

U članu 2. pod tačkom IV Osnovna – Centralna škola u Srednjem u dijelu teksta koji se odnosi na područja sa kojih se primaju školski obveznici za niže razrede treba brisati mjesta: Kovačine, Budraže, Curak, Gradina, Elezovići, Drinčići, Hasići, Dautovići, Nanići, Borje, Šehovići i Paljika, jer su to mjesta koja pripadaju mjesnoj zajednici Kamenica i treba da se upišu u područje područne škole u Kamenici.

Također, školski obveznici nižih razreda iz mjesta Podlipnik i Rakova Noga, umjesto u područje centralne škole u Srednjem, treba da se upišu u područje područne škole u Gajevima, jer pripadaju mjesnoj zajednici Gajevi.

U dijelu koji se odnosi na područje područne škole u Gajevima, mjesta Homar i Ravne treba brisati, a dodati ih u područje centralne škole u Srednjem, jer ta mjesta pripadaju mjesnoj zajednici Srednje. Školski obveznici iz ovih mjesta zbog organizacije prevoza od početka rada škole u poslijeratnom periodu pohađaju školu u Srednjem.

U područje područne škole u Dragoradima, pored navedenih mjesta treba dodati i mjesto Udrabi.

S poštovanjem !

Dostavljeno
1x Naslovu
1x a/a


Direktor škole
Refik Kurtović

Bosna i Hercegovina
Federacija BiH
Kanton Sarajevo-Općina Ilijaš
Javna ustanova Osnovna škola „Podlugovi“ Podlugovi
Ul. Žrtava genocida u Srebrenici 212
Tel/fax: 033 401 017, 401 359

Broj: 01-1996/19
Datum: 17.05.2019. godine

OPĆINA ILIJAŠ
SLUŽBA ZA DRUŠTVENE DJELATNOSTI I POSLOVE MJESNIH ZAJEDNICA


Predmet: dostava odgovora;

Poštovani,

U skladu sa Vašim dopisom broj: 01/1-02-800-9/19 od 18.04.2019.godine, a kojim tražite da se dostave prijedlozi i primjedbe o Nacrtu Odluke o definisanju školskih područja, o istom Vas obavještavamo da se JU OŠ „Podlugovi“ slaže sa navedenim Nacrtom Odluke i nemamo nikakvih primjedbi.

S poštovanjem,

Dostavljeno:
-naslovu
-a/a



Re: Nacrt i zaključak Odluke o definisanju školskih područja - Javna rasprava

osnovna_skola hasim_spahic <oskolahs@yahoo.com>

Thu 16/05/2019 14:29

To: Enisa Mesetovic <Enisa.Mesetovic@ilijas.ba>;

Poštovana,

Obavještavamo Vas da JU Osnovna škola "Hašim Spahić" Ilijaš nema primjedbi ni sugestija na Nacrt Odluke o definisanju prijedloga školskih područja za javne ustanove, osnovne škole na području općine Ilijaš.

S poštovanjem,

Direktor
Nihad Salkić

On Friday, April 19, 2019, 1:02:13 PM GMT+2, Enisa Mesetovic <Enisa.Mesetovic@ilijas.ba> wrote:

Poštovani/a,

U prilog Vam dostavljam Nacrt i zaključak Odluke o definisanju školskih područja za svaku javnu ustanovu, osnovnu školu na području općine Ilijaš, koja se stavlja na javnu raspravu.

Javna rasprava se određuje u trajanju od 30 dana, počev od 20.04.2019. godine do 20.05.2019. godine.

Ostale detalje možete pročitati u dokumentu u prilogu.

Srdačan pozdrav.

OPCINA ILIJAS

Služba za društvene djelatnosti i poslove mjesnih zajednica

Enisa Mesetovic

Stručni saradnik za obrazovanje, pitanje mladih i NVO sektor

web: www.ilijas.ba